

十一礼 「一」

稽首天人所恭敬 阿弥陀仙両足尊

在彼微妙安楽国 無量仏子衆圍繞

金色身淨如山王 奢摩他行如象歩

両目淨若青蓮華 故我頂礼弥陀尊

面善円淨如満月 威光猶如千日月

声如天鼓俱翅羅 故我頂礼弥陀尊

觀音頂戴冠中住 種種妙相宝莊嚴

能伏外道魔憍慢 故我頂礼弥陀尊

無比無垢広清淨 衆徳皎潔如虚空

所作利益得自在 故我頂礼弥陀尊

十方名聞菩薩衆 無量諸魔常讚嘆

為諸衆生願力住 故我頂礼弥陀尊

金底宝間池生華 善根所成妙台座

於彼座上如山王 故我頂礼弥陀尊

十一礼 「二」

十方所來諸仏子 顯現神通至安楽

瞻仰尊顔常恭敬 故我頂礼弥陀尊

諸有無常無我等 亦如水月電影露

為衆説法無名字 故我頂礼弥陀尊

彼尊仏利無惡名 亦無女人惡道怖

衆人至心敬彼尊 故我頂礼弥陀尊

彼尊無量方便境 無有諸趣惡知識

往生不退至菩提 故我頂礼弥陀尊

我說彼尊功德事 衆善無辺如海水

所獲善根清淨者

回施衆生生彼国